

BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Na osnovu člana 49. Okvirnog zakona o visokom obrazovanju u Bosni i Hercegovini ("Službeni glasnik BiH", broj: 59/07 i broj 59/09), člana 7. stav (2) Odluke o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik BiH“, br. 22/23) i članka 2. stavak (1) Pravilnika o načinu provođenja javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa („Službeni glasnik BiH“, broj: 22/23) Agencija za razvoj visokog obrazovanja i osiguranje kvalitete Bosne i Hercegovine **raspisuje**

JAVNI KONKURS

za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa

1. Naziv kategorija stručnjaka i naučne/umjetničke oblasti:

Javni konkurs za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa raspisuje se za sljedeće kategorije stručnjaka i sljedeće naučne/umjetničke oblasti:

Kategorija stručnjaka	Naučne/umjetničke oblasti
Stručnjaci - predstavnici akademske zajednice u Bosni i Hercegovini	<ul style="list-style-type: none">• prirodne nauke• tehničke nauke• biomedicina i zdravstvo• biotehničke nauke• društvene nauke• humanističke nauke
Stručnjaci - predstavnici privrede i prakse	<ul style="list-style-type: none">• prirodne nauke• tehničke nauke• biomedicina i zdravstvo• biotehničke nauke• društvene nauke• humanističke nauke
Međunarodni stručnjaci	<ul style="list-style-type: none">• prirodne nauke• tehničke nauke• biomedicina i zdravstvo• biotehničke nauke• društvene nauke• humanističke nauke
Studenti	<ul style="list-style-type: none">• prirodne nauke

	<ul style="list-style-type: none"> • tehničke nauke • biomedicina i zdravstvo • biotehničke nauke • društvene nauke • humanističke nauke
--	---

2. Kriteriji za odabir stručnjaka:

2.1. Za kategoriju stručnjaci - predstavnici akademske zajednice u BiH

- a) izbor u naučno-nastavno zvanje u relevantnoj naučnoj/umjetničkoj oblasti, koji je dodijelila akreditirana visokoškolska ustanova.
- b) iskustvo u nastavno-naučnom i istraživačkom radu,
- c) znanje engleskog jezika,
- d) znanje rada na računaru,
- e) mlađi od 65 godina.

2.2. Za kategoriju stručnjaci - predstavnici gospodarstva i prakse

- a) minimalno visoka stručna sprema, odnosno nivo VII kvalifikacije prema “Osnovama kvalifikacijskog okvira u Bosni i Hercegovini“,
- b) najmanje pet godina radnog iskustva, u djelatnosti koja pripada ili je srodna određenoj naučnoj, odnosno umjetničkoj oblasti za koju se prijavljuje,
- c) znanje engleskog jezika,
- d) znanje rada na računaru,
- e) mlađi od 65 godina.

2.3. Za kategoriju međunarodni stručnjaci

2.3.1. Međunarodni stručnjaci predstavnici akademske zajednice

- a) izbor u naučno-nastavno zvanje u relevantnoj naučnoj/umjetničkoj oblasti, koje je dodijelila akreditovana visokoškolska ustanova,
- b) iskustvo u nastavno-naučnom i istraživačkom radu,
- c) znanje engleskog jezika,
- d) znanje rada na računaru,
- e) mlađi od 65 godina

2.3.2. Međunarodni stručnjaci predstavnici gospodarstva i prakse

- a) minimalno visoka stručna sprema,
- b) najmanje pet godina radnog iskustva u djelatnosti koja pripada ili je srodna određenoj naučnoj, odnosno umjetničkoj oblasti za koju se prijavljuje,
- c) znanje engleskog jezika,
- d) znanje rada na računaru,
- e) mlađi od 65 godina.

2.4. Za kategoriju studenti

- a) student I, II ili III ciklusa studija na akreditovanoj visokoškolskoj ustanovi,
- b) minimalni prosjek ocjena 8,0 ili 3,5,
- c) znanje engleskog jezika,
- d) znanje rada na računaru.

3. Prijavljivanje na javni konkurs:

Prijavljivanje na javni konkurs vrši se **elektronski**, popunjavanjem obrasca prijave za javni konkurs (u daljem tekstu: prijava). U prijavu se unose lični podaci kandidata, kontakt podaci i podaci o ispunjenost kriterija za određenu kategoriju stručnjaka koji su određeni Odlukom o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, sa navođenjem **linka** o dostupnosti navedenih podataka, ili pored popunjenog elektronskog obrasca dostaviti i skenirane dokaze o ispunjenosti gore navedenih kriterija na email kako slijedi: expert@hea.gov.ba

Sastavni dio prijave je **izjava** kandidata o tačnosti podataka koji su navedeni u prijavi.

Prijava kandidata na javni konkurs vrši se popunjavanjem obrasca prijave koji je dostupan na web-stranici Agencije www.hea.gov.ba

Nepotpune i neblagovremeno dostavljene prijave neće biti predmet razmatranja.

4. Rok za podnošenje prijava:

Prijave kandidata je moguće podnijeti, u skladu sa Odlukom o raspisivanju javnog konkursa za izbor domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova i studijskih programa, broj: 05-33-2-59-1/25 od 30.01.2025. godine, u periodima kako slijedi:

- Od 01.02.2025. godine do 01.03.2025. godine;
- Od 01.06.2025. godine do 30.06.2025. godine;
- Od 01.10.2025. godine do 31.10.2025. godine.

Napomene za sve kandidate:

- Jedan kandidat se može prijaviti samo za jednu od kategorija stručnjaka i jednu naučnu/umjetničku oblast.
- Nakon provedene procedure konkursa, na osnovu člana 49. alineja 2. Okvirnog zakona o visokom obrazovanju u Bosni i Hercegovini, Komisija će utvrditi listu stručnjaka koju Agencija dostavlja svim ministarstvima obrazovanja u Bosni i Hercegovini i nadležnom Odjeljenju za obrazovanje u Vladi Brčko Distrikta na usvajanje. Sa usvojene liste stručnjaka, na osnovu prijedloga nadležnih obrazovnih vlasti, Agencija će imenovati komisije za akreditaciju visokoškolskih ustanova i studijskih programa.

Dodatne informacije mogu se dobiti na tel: + 387 51 430 510.

DIREKTOR

Prof. dr Enes Hašić, s.r.

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302